

PROXECTO DE FOMENTO DO USO DO GALEGO

CURSO 2013 – 2014

**IES URBANO LUGRÍS
(MALPICA DE BERGANTIÑOS)**

Constitución do EDLG

O Equipo de Dinamización da Lingua Galega (EDLG) do IES Urbano Lugo de Malpica, renóvase ao comezo do curso académico 2013 - 2014, quedando integrado polos seguintes membros:

- **M^a Carmen Otero Sánchez - Coordinadora** (PT, Departamento de Orientación)
- **Dulce Fernández Graña** (Departamento de Lingua e Literatura Galegas)
- **Pedro Martínez Casillas** (Departamento de Música)
- **Santiago Molina Álvarez** (Conserxe)
- **Mar Costa Suárez** (4^o A)
- **María Moscoso Veiga** (4^o B)
- **Alberto Hombre Barca** (3^o A)

Establécese o 1^o recreo dos venres como hora probable de reunión entre os seus compoñentes para cando fose preciso informar, organizar, consensuar, etc as distintas actividades ou propostas que xurdan ao longo do curso.

Estudo Sociolingüístico do Centro

O IES Urbano Lugo de Malpica de Bergantiños recolle un alumnado procedente por unha parte do medio urbano de Malpica e Buño e por outra do medio rural que abrangue o resto do concello. Presenta unha realidade sociolingüística diversa atendendo aos diferentes sectores que conforman a comunidade educativa. Así como a práctica totalidade do alumnado é galegofalante (agás contados casos de alumnos/as inmigrantes), no profesorado obsérvase unha práctica docente do 50% en galego e 50% en castelán. Todo o PAS é quen de falar galego. Os cuestionarios realizados dentro do Proxecto Lingüístico para determinar a situación de partida de cara ás actuacións de planificación lingüística no centro revelan que no contorno sociolingüístico do centro predomina o galego de forma clara, á vista dos seguintes datos:

- No contexto sociolingüístico do centro predomina o galego.
- A dispoñibilidade do profesorado para impartir docencia en galego é moderada/alta.
- A presenza do galego na vida do alumnado e do resto da comunidade educativa é boa.

Obxectivos

- Acadar unha presenza normalizada da lingua galega nos diversos aspectos da vida educativa acorde coa realidade galegofalante do alumnado deste centro e cos obxectivos da Normalización Lingüística no ensino.
- Difundir os resultados das actuacións dándoos a coñecer a outras institucións.
- Conseguir do profesorado unha maior implicación no uso do galego en todos os ámbitos.
- Conseguir do alumnado e do conxunto da comunidade educativa un incremento positivo na súa autoestima e na valoración positiva da súa lingua que os afiance como galegofalantes.
- Continuar na liña de coherencia lingüística acadada no uso do galego dentro do centro como lingua de comunicación administrativa.

Actividades Temporalizadas

DURANTE TODO O CURSO:

- Recabar material videográfico, fotográfico, bibliográfico e discográfico (centralizado na biblioteca) relativo a diversos aspectos da cultura galega, para ser utilizado como material didáctico, de consulta ou de ocio, nas diferentes áreas (Sociais, Lingua e Literatura Galegas, Plástica, Música, Ciencias Naturais, etc.) ou individualmente polo alumnado e profesorado. Dirixida especialmente a alumnado e profesorado.
- Conseguir información sobre concursos e actividades que se convoquen e teñan relación coa lingua e a cultura galega, Informar o alumnado e animalo a participar neles. Dirixida especialmente ao alumnado.
- Apoiar a toda a comunidade educativa na corrección e elaboración de textos en galego, ou de discursos a emitir en exposicións, charlas,..., ou a través da emisora de radio do centro, para acadar a normalidade lingüística que todos perseguimos. Dirixida especialmente a profesorado e PAS.
- Colaborar co centro nas conmemoracións propostas cada ano pola Consellería de Educación. Dirixida especialmente a toda a comunidade educativa.

- **Calendario 2013-2014:** En colaboración co Departamento de Lingua e Literatura Galegas, o alumnado de 3º e 4º de Diversificación elaborará un calendario por meses do curso 2013-2014. Será ilustrado con diferentes motivos da arte e cultura galega, recollerá o santoral traducido ao galego con espazo para ser utilizado como planning. Será repartido polas aulas, conserxería, sala de profesores... .

Actividade dirixida a toda a comunidade educativa.

- **Obradoiros artístico-literarios:** Recibiremos novamente, en colaboración coa Biblioteca e o Departamento de Lingua e Literatura Galegas, a diferentes artistas e escritores galegos para realizar co alumnado diversos obradoiros de: banda deseñada, poesía, hip-hop e regueifas.

Dirixida ao alumnado.

1ª AVALIACIÓN

Magosto/Samaín/Halloween: Dado o éxito acadado na pasada edición, seguiremos celebrando conxuntamente estes eventos, tratando de conectar e darlle sentido ás distintas manifestacións inter- culturais desta festividade outonal. En colaboración cos Departamentos de Lingua galega, castelá, inglesa e francesa e a Biblioteca, organizamos concursos con premio de: cabazas, sobremesas e relatos de terror; os gañadores, no caso dos relatos, len na biblioteca ou a radio os seus contos e reciben o agasallo. Nos días previos, decórase o centro e ao remate do día escollido para a celebración, os maiores asan as castañas, que traen os alumnos das súas casas, en grellas cedidas polo Concello

Dirixida ao alumnado, profesorado e outros membros da comunidade educativa.

Nadal:

En colaboración co Departamento de Música e a Biblioteca, organizaranse pequenos concertos a cargo de algúns alumnos e alumnas. Temos no centro bastantes deles que asisten ao Conservatorio ou forman parte de grupos musicais diversos de instrumental e canto (piano, saxo, gaitas, pandereiteiras, ...); consideramos que é unha oportunidade de mostrar a súa arte a todos nós, ao tempo que contribúen a manter e enriquecer o noso patrimonio musical. En distintas quendas de grupos ao longo da mañá, faranse coincidir os concertos coa visita ao museo Melga de Ponteceso.

Actividade dirixida a toda a comunidade educativa.

2ª AVALIACIÓN

Entroido: En colaboración con todos os departamentos, organizaremos no centro un gran festival. Os rapaces e rapazas traen das súas casas sobremesas típicas de carnaval que se degustarán posteriormente ao desfile de disfraces ou comparsas no que se cantarán coplas de entroido. Haberá premios para os participantes.

Actividade dirixida a toda a comunidade educativa.

3ª AVALIACIÓN

Revista Ardora nº 14: Poñeremos en marcha a elaboración dun novo número da revista *Ardora* grazas aos traballos literarios, artísticos, informativos, divulgativos, de investigación, etc do alumnado e profesorado. Esta revista serve por unha banda, para promover o uso das TIC e por outra, como canle de comunicación entre a comunidade educativa e o entorno próximo pois faise chegar en Setembro a profesores, familias, e institucións educativas e doutro tipo relacionadas con nós.

Dirixida a toda a comunidade educativa, entidades da contorna e outros centros de ensino.

Semana das Letras Galegas: En colaboración co Departamento de Lingua e Literatura Galegas e a Biblioteca organizaremos actividades relacionadas co escritor homenaxeado este ano 2014, Xosé María Díaz Castro. Colgaremos carteis informativos e daremos a coñecer a súa obra mediante lecturas, representacións e proxeccións audiovisuais.

Dirixida a toda a comunidade educativa.

Correlingua / Percorrido pola Coruña Galeguista: Como nos últimos anos, os alumnos/as de 3º e 4º ESO participarán no *Correlingua*, actividade de potenciación da lingua galega organizada ASPG, que se celebrará na Coruña en maio de 2014.

Logo do xantar, farase un percorrido poético-floral polos lugares emblemáticos do galeguismo coruñés e o camposanto de Santo Amaro. Esta actividade levarase a cabo en colaboración cos Departamentos de Lingua e Literatura Galegas e Xeografía e Historia.

Dirixida a toda a comunidade educativa e entidades da contorna.

M^a Carmen Otero Sánchez

Coordinadora EDLG